

STATUT - AKT THMELIMI I SHOQERISE ME PERGJEGJESI TE KUFIZUAR "HIPPOCRATES"

Sot më datën 22.02.2023 me cilësinë e 3 (tre) ortakëve Themelues ne :

- 1 **Olijana IFTI**, e bija e Stathit, e datëlindjes 17.11.1981 lindur në Kuçovë dhe banuese në Tiranë, në adresën Rezidenca Kodra e Diellit, Rruga Kodra e Diellit, Ndërtesa nr. 22, hyrja 300, madhore e me zotësi të plotë për të vepruar, mbajtëse e Kartës së Identitetit me Nr. 024484454 dhe nr. Personal I16117040W;
- 2 **Myzejen SHANAJ**, e bija e Osmanit, e datëlindjes 17.01.1961 lindur dhe banuese në Tiranë, në adresën Rruga Naim Frasheri, pallati 66/1 person madhor me zotësi të plotë për të vepruar, mbajtëse e Pasaportës me Nr. BE3481296 dhe nr. Personal G15117105N;
- 3 **Etleva KOLA**, e bija e Shefqet, e datëlindjes 07.03.1983, lindur në Burrel dhe banuese në Tiranë, në adresën Rruga Babë Rexha, pallati AIC, madhore e me zotësi të plotë për të vepruar, mbajtëse e Pasaportës me Nr. BC6701326 dhe nr. Personal I35307068K;

kanë rënë dakort për themelimin e shoqërisë HIPPOCRATES sh.p.k., sipas këtij Statut - Akt Thmelimi me termat dhe kushtet si vijon

L DISPOZITA TË PËRGJITHSHME

Shoqëria Tregtare "HIPPOCRATES" SH.P.K, rregullon pozitën e saj juridike, marrëdhëniet e themeluesve, të organeve të saj, llojin e Shoqërisë, kohëzgjatjen e veprimtarisë së saj, marrëdhëniet me të punësuarit, duke u bazuar në ligjin Nr. 9901, datë 14.04.2008 "Për Tregtarët dhe Shoqëritë Tregtare", dhe dispozitat e tjera të legjislacionit shqiptar në fuqi që rregullojnë marrëdhëniet e Shoqërive Tregtare dhe fushën e veprimtarisë së shoqërisë.

NENI 1.

Emri dhe selia e Shoqërisë

Shoqëria është Person Juridik Privat. Shoqëria do të paraqitet në qarkullimin juridik-civil me emërtimin e saj "HIPPOCRATES" SH.P.K.

NENI 2

Selia e Shoqërisë

Selia e Shoqërisë ndodhet në Tiranë në adresën:

Rruga e "Barrikadave", Apartament me Nr. Pasurie: 7/16+1-1 Z.K. 8360, Tiranë, Shqipëri.

Adresa e shoqërisë për qëllime komunikimi elektronik është : accademiaestetica.it@gmail.com
Shoqëria mund të krijoj filiale, zyra përfaqësimi e agjenci në qytet të tjera të Shqipërisë ose jashtë vendit.

Adresa e ortakëve në marrëdhëniet me Shoqërinë është ajo që rezulton e shënuar në këtë akt dhe në librin e shoqërisë. Ortaku mban përgjegjësi për negociimin e ndryshimit të adresës së tij.

Neni 3

Kohëzgjatja e Shoqërisë.

Afati kohor i zhvillimit të aktivitetit është i pakufizuar dhe mund të zgjatet apo shkurtohet një ose disa herë vetëm me vendim të Asamblesë së Përgjithshme të Ortakëve.

NENI 4.

Objekti i veprimtarisë

Veprimtaria e shoqërisë është:

- Shërbime dentare, kura dentare, konsulence dentare etj.
- Formim profesionale në fushën e mjekësisë dhe me gjere.
- Shërbime dhe konsulence në fushën e kirurgjisë plastike invazive dhe joinvazive etj.
- Organizime eventesh në fushën e mjekësisë dhe me gjere
- Prodhimin, tregtimin, importin, shit-blerjen e implanteve dentare dhe materiale te tjera dentare.
- Prodhimin, tregtimin, importin, shit-blerjen ne fushen e mjekesise estetike.
- Konsulencë dhe shërbime në fushën e turizmit dentar dhe në fusha të ngjashme.
- Studime tregu afatshkurtra dhe afatgjata brenda dhe jashtë vendit.
- Pjesëmarrje në ankande dhe tendera, si dhe shërbime që kanë lidhje me objektin e veprimtarisë së saj.
- Blerje pasuri të luajtshme apo të paluajtshme, mjeteve të transportit t'i marrë ose t'i lëshojë me qera, të marrë pjesë në tenderin e tyre, si dhe të bëjë ndërtime, rikonstruktione, rregullime, shërbime, etj., apo të transferoje te palët e tjera punët e tyre, me pakice dhe shumicë.
- Tregtim të materialeve të ndryshme, me pakicë dhe shumicë, në format e parashikuara dhe të lejuara nga legjislacioni shqiptar.
- Shoqëria, mund të kryejë për përmbushjen e qëllimeve të saj cdo lloj operacioni tregtar, mund të vendosë pasuri të luajtshme dhe të paluajtshme, ta hipotekojë këtë pasuri në rregjistrin e pasurive të paluajtshme në emër të saj.
- Mund të krijojë bashkëpunime dhe biznese me shoqëri të tjera që kanë të njëjtin objekt veprimtarie për të realizuar fitime në fushat e përmendura në këtë nen.
- Shoqëria, për të realizuar qëllimin e saj, përdor të drejtat e pronësisë, të mallrave të luajtshme dhe të 2 paluajtshme, brenda dhe jashtë vendit, ushtron veprimtari të ardhurash dhe kursimi, krijon pengje dhe hipotekim mbi këto, përfiton, krijon, shlyen dhe ndan cdo lloj të drejte materiale, qeraje apo të drejta të mallrave të luajtshme dhe të paluajtshme.

Day + Etlora

- Kontraktimi, marrja apo dhënia, në lidhje me fushën e veprimtarisë, të cdo lloj kreditimi me afat të shkurtër, të mesëm dhe të gjatë, në tregjet e brendshme dhe të jashtme, të mundësujë kredi mallrash, pengjesh, importimi dhe eksportimi.
- Përfitojë, transferojë, të marrë apo jap me qera, të blejë dhe shesë, si dhe të kontraktojë, të drejtën e markës, patentës, licencës, dhe të drejtat e tjera që janë të ngjashme me këto.
- Shoqëria, sic mund të ushtrojë punët që tregohen në objektin e veprimtarisë së saj, brenda dhe jashtë vendit, ashtu edhe mund të marrë pjesë, të përfitojë apo të transferojë nga/te palët e tjera, mund të marrë pjesë në kapitalet e personave juridike dhe fizike, të vendit apo të huaj, të krijuar ose që krijohen me qëllim tregtie, industrie, etj., në lidhje me këto fusha: laborator dentar, mësimdhënie në odontoiatri, botime, prodhimi, tregtimi, importi, shit-blerja e materialeve dhe pajisjeve mjekësore, importi dhe përdorimi i pajisjeve gjeneratore me rreze X, trajtime estetike, shërbime estetike, turizëm shëndetësor, turizëm dentar, turizëm kirurgji estetike, turizëm wellness, Call center, agjent shitje online, shërbim klienti online, operator në fushën e rezervimeve, prenotimeve, administrim zyrash etj.
- Shoqëria, sic mund të ushtrojë punët e sipërpërmendura, brenda dhe jashtë vendit, ashtu edhe mund të marrë pjesë, të përfitojë apo të transferojë nga/te palët e tjera, mund të marrë pjesë në kapitalet e personave juridike dhe fizike, të vendit apo të huaj, të krijuar ose që krijohen me qëllim tregtie, industrie, etj., në lidhje me këto fusha.

Shoqëria do të ushtrojë aktivitetin e saj duke u bazuar tek autorizimet dhe /ose lejet e lëshuara nga institucionet qeveritare kompetente të fushës, sipas legjislacionit në fuqi

NENI 5

Kapitali Themeltar

Kapitali themeltar i shoqërisë do të jetë i përbërë nga kontributi i ortakëve themelues të kësaj Shoqërie në vlerën 10 000 (dhjetë mijë) lek. Ortakët themelues të Shoqërisë zotërojnë kuotat në këtë shoqëri si më poshtë:

- 1 **Znj. Olijana Ifti**, zotëron 33.34%, të vlerës së kuotave në kapitalin themeltar të shoqërisë të barabartë me 1 kuotë në vlerë 3334 lekë.
- 2 **Znj. Myzejen Shanaj**, zotëron 33.33%, të vlerës së kuotave në kapitalin themeltar të shoqërisë të barabartë me 1 kuotë në vlerë 3333 lekë.
- 3 **Znj. Etleva Kola**, zotëron 33.33%, të vlerës së kuotave në kapitalin themeltar të shoqërisë të barabartë me 1 kuotë në vlerë 3333 lekë.

Kapitali themeltar është paguar tërësisht nga ortakët themelues. Vlerësimi i kapitalit dhe pagimi i tij bëhen në momentin e nënshkrimit të këtij Akt Themelimi dhe Statuti dhe i bashkëlidhen atij.

NENI 6.

Zmadhimi dhe zvogëlimi i kapitalit

Kapitali themeltar mund të zmadhohet ose të zvogëlohet nga Asambleja e Përgjithshme.

Znj. Olijana Ifti, Znj. Myzejen Shanaj, Znj. Etleva Kola

Zmadhimi i kapitalit mund të vendoset kur e kërkojnë interesat e Shoqërisë duke vendosur kuotat suplementare të Ortakëve.

Asambleja e Përgjithshme, vendos për zvogëlimin e kapitalit të Shoqërisë.

Zvogëlimi i kapitalit nuk duhet të dëmtojë kreditorët e as të krijojë pasiguri tek ata që kanë dhënë kredi para publikimit të zvogëlimit të kapitalit. Në të kundërtën Gjykata e konsideron të pavlefshëm këtë vendim mbi kërkesën e kreditorëve.

NENI 7

Financimet e Ortakëve

Ortakët mund të kryejnë financime në favor të shoqërisë me kundër shpërblim ose jo, me ose pa detyrimin e rimbursimit, në bazë të një vendimi nga ortakët të marrë me shumicë të cilësuar.

NENI 8

Abuzimi i ortakëve ndaj shoqërisë

Ortakët, e shoqërisë tregtare, që kryejnë një apo më shumë nga veprimet ose mosveprimet vijuese, përgjigjen personalisht e në mënyrë solidare për detyrimet e shoqërisë, me të gjithë pasurinë e tyre nëse:

a) abuzojnë me formën e shoqërisë tregtare për arritjen e qëllimeve të paligjshme;

b) trajtojnë pasuritë e shoqërisë tregtare si të ishin pasuritë etyre;

c) në çastin kur kanë marrë apo duhet të kishin marrë dijeni për gjendjen e paaGësisë paguese të shoqërisë, nuk marrin masat e nevojshme, për të siguruar që shoqëria, në varësi të llojit të veprimtarisë së ushtruar, të ketë kapitale të mjaGueshme, për të përmbushur detyrimet e marra përsipër ndaj palëve të treta.

NENI 9

Ndalimi i konkurrencës

Ortakët nuk mund të mbajnë një pozicion drejtues apo të jenë të punësuar në shoqëri të tjera, që ushtrojnë veprimtari në të njëjtin sektor ekonomik me shoqërinë, me përjashtim të pozicioneve që mbajnë aktualisht apo që do të mbajnë në subjekte të regjistruara tashmë dhe për të cilat ortakët janë në dijeni.

Ndalimi i përmendur më sipër, në rastet e tjera shfuqizohet nëpërmjet një autorizimi të posaçëm, të dhënë nga ortakët, apo nga asambleja e përgjithshme me 51% votave.

Ky autorizim mbetet në fuqi edhe pas humbjes së cilësive apo statusit të përmendur në të, por jo për një periudhë më të gjatë se një vit pas humbjes së kësaj cilësie.

Nëse ndonjëri prej ortakëve shkel ndalimin e konkurrencës, shoqëria mund:

a) ta përjashtojë atë nga shoqëria apo ta shkarkojë nga detyra;

b) të kërkojë ndërprerjen e veprimtarisë konkurruese;

c) të ngrejë padi për shpërblimin e dëmit.

Shoqëria, si alternativë të ngritjes së padisë për shpërblimin e dëmit, mund t'i kërkojë secilit prej ortakëve:

- a) të pranojë se transaksionet e kryera për llogari të tij të kalohen për llogari të shoqërisë;
- b) t'i transferojë shoqërisë të gjitha përfitimet që ka marrë nga kryerja e veprimeve për llogari të personave të tretë;
- c) t'i transferojë shoqërisë të gjitha të drejtat e kreditë, që kanë rrjedhur nga kryerja e veprimeve për llogari të personave të tretë.

NENI 10.

Pronësia mbi kuotat.

Kuotat e kapitalit dhe të drejtat që rrjedhin prej tyre fitohen ose kalohen, nëpërmjet:

- kontributit në kapitalin e shoqërisë;
- shit-blerjes;
- trashëgimisë;
- dhurimit;
- në çdo mënyrë tjetër të parashikuar në ligj.

NENI 11

Transferimi i kuotave nëpërmjet të gjallëve

Ortakët e shoqërisë në rastet e transferimit të kuotave rezervojnë të drejtën e parablerjes së kuotave të kapitalit të shoqërisë.

Në një rast të tillë kur ortaku kërkon të shesë kuota ose pjesë të saj, duhet të njoftojë pranë organit administrativ dhe tek ortakët e tjerë, nëpërmjet një letër rekomande duke specifikuar çmimin dhe modalitetet e pagesës.

Brenda 30 ditëve nga ky komunikim, ortakët e tjerë duhet të lajmërojnë nëpërmjet një letër rekomande nëse duan ta ushtrojnë të drejtën e parablerjes.

Kur afati 30 ditor kalon pa asnjë lajmërim nga ortakët, atëherë e drejta e parablerjes do të konsiderohet e ezauruar. Në një rast të tillë transferimi tek të tretët do të kryhet nëpërmjet pëlqimit të Asamblesë së Përgjithshme, e cila duhet të shprehet brenda 30 ditëve nga marrja e kërkesës.

NENI 12

Largimi i ortakut nga shoqëria dhe likuidimi i kuotës

Ortaku mund të largohet nga shoqëria nëse ortakët e tjerë ose shoqëria kanë kryer veprime në dëm të tij, nëse është penguar të ushtrojë të drejtat e tij, nëse shoqëria i ka ngarkuar detyrime të paarsyeshme apo për shkaqe të tjera, që e bëjnë të pamundur vazhdimin e ortakërisë. Ortaku që kërkon largimin, duhet të njoftojë shoqërinë me shkrim, si dhe të parashtrijë shkaqet e largimit. Administratorët duhet të thërrasin mbledhjen e asamblesë së përgjithshme menjëherë pasi të kenë marrë dijeni për njoftimin e largimit, për të vendosur nëse ortakut do t'i likuidohet kuota, si pasojë e largimit për shkaqe të arsyeshme.

Jay Eflera

AS

Ortaku ka të drejtë të ngrejë padi në gjykatë ndaj shoqërisë për likuidimin e kuotës, si pasojë e largimit për shkaqe të arsyeshme, nëse pas njoGimit të largimit asambleja e përgjithshme nuk mbledhet apo nuk i njuh si të arsyeshme shkaqet e largimit dhe likuidimin e kuotës. Ortaku që kërkon largimin nga shoqëria, detyrohet ta dëmshpërblejë shoqërinë për dëmet e shkaktuara, nëse rezulton se largimi është kryer në bazë të shkaqeve të paarsyeshme. Ortaku që largohet ka të drejtë të ngrejë padi ndaj shoqërisë dhe/ose ortakëve të tjerë që shkaktuan largimin e tij dhe të kërkojë ndaj tyre, në mënyrë solidare, shpërblimin e dëmit të pësuar.

NENI 13.

Përrjashtimi i ortakut

Në bazë të një vendimi të asambleja e përgjithshme mund t'i kërkojë gjykatës përrjashtimin e ortakut, nëse ai nuk ka shlyer kontributin e tij, sipas parashikimeve të statutit ose nëse ekzistojnë shkaqe të tjera të arsyeshme për këtë përrjashtim.

Konsiderohen shkaqe të arsyeshme për përrjashtimin e ortakut, por pa u kufizuar në to, rastet kur ortakut:

- 1 me dashje apo me pakujdesi të rëndë i shkaktun dëme shoqërisë ose ortakëve të tjerë;
- 2 me dashje apo me pakujdesi të rëndë shkel statutin ose detyrimet e përcaktuara me ligj;
- 3 përrfshihet në veprime, të cilat e bëjnë të pamundur vazhdimin e marrëdhënieve midis shoqërisë tregtare dhe ortakut
- 4 me veprimet e tij dëmton ose pengon ndjeshëm veprimtarinë tregtare të shoqërisë.

Gjatë procedurës së përrjashtimit të ortakut, me kërkesë të paditësit, gjykata mund të marrë një masë për sigurimin e padisë, duke pezulluar të drejtën e votës së ortakut, që kërkohet të përrjashtohet, si dhe të drejtat e tjera, që rrjedhin nga zotërimi i kuotës së shoqërisë, kur ajo e vlerëson këtë masë si të nevojshme dhe të justifikuar.

Shoqëria ka të drejtë t'i kërkojë ortakut të përrjashtuar shpërblimin e dëmit të pësuar nga veprimet, që kanë sjellë përrjashtimin. Ortaku ka të drejtë t'i kërkojë shoqërisë shpërblimin e dëmit të pësuar, nëse kërkesa për përrjashtim nuk është e bazuar.

Ortaku nuk ka të drejtë t'i kërkojë shoqërisë likuidimin e kuotës, nëse ai përrjashtohet për shkaqe të arsyeshme, por, nëse shoqëria ngre ndaj tij padi për shpërblim dëmi, ortakut ka të drejtë të kompensojë çdo shumë, që do të kishte të drejtë ta përrfitonte në cilësinë e likuidimit të kuotës, me dëmin e kërkuar ngashoqëria.

NENI 14

Likuidimi i kuotës

Në rastet e parashikuara më sipër në nenet 12, 13 dhe 14, kuotat do t'i likuidohen ortakut që largohet apo që përrjashtohet, apo trashëgimtarëve të ortakut të vdekur në përrpjesëtim me pasurinë e shoqërisë.

Pasuria e shoqërisë do të përcaktohet nga një raport i organit administrativ duke marrë njëkohësisht dhe mendimin e një eksperti kontabël në rast se shoqëria ka të tillë, duke paturparasysh vlerën e tregut të kuotave të zotëruara në ditën e vdekjes së ortakut apo në ditën e marrjes së vendimit sipas ligjit për largimin apo përrjashtimin të ortakut.

Paul + Elena *ASG*

Likuidimi i kuotave të zotëruara duhet të realizohet brenda 180 ditëve nga dita në të cilën është vendosur likuidimi. Likuidimi mund të bëhet nëpërmjet blerjes së kuotave nga ana e ortakëve që mbeten në proporcion me pjesën e zotëruar prej tyre ose me shitjen e kuotave tek një person i tretë, i cili është miratuar nga ortakët e tjerë. Në rast se kjo nuk arrihet, atëherë likuidimi do të bëhet nëpërmjet përdorimit të rezervave ekzistuese të shoqërisë ose nëpërmjet zvogëlimit të kapitalit në proporcion me masën e kuotave që duhet të likuidohet, me përjashtim të rastit kur zvogëlimi vjen në kundërshtim me ligjin.

NENI 15

Administrimi dhe përfaqësimi

Shoqëria mund të administrohet në mënyrë të alternuar, me vendim të ortakëve sipas emërimit nga:

1. administratori i vetëm
2. nga dy apo më shumë administratorë me kompetenca të përbashkëta ose të veçanta

Në rast se administratorët emërohen pa ju referuar ndonjë rregulli për ushtrimin e kompetencave të administratorëve, do i bëhet referimet rregullave të përgjithshme të ligjit 9901, datë 14/04/2008.

Administratorët mund të jenë dhe jo ortakë. Nuk mund të emërohen administratorë dhe në rast se janë emëruar shkarkohen, ata që janë subjekt i neneve 13 dhe 95 të ligjit 9901, datë 14/04/2008.

Afati i emërimit, nuk mund të jetë më i gjatë se 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Regjistrimit. Statuti mund të vendosë rregulla të posaçme për emërimin e administratorëve.

Administratorët do të përfitojnë një shpërblim të miratuar nga ortakët, do të kenë të drejtën e rimbursimit të shpenzimeve të kryera për arsye pune, si dhe do të përfitojnë një shpërblim në rastin kur largohen nga detyra

Asambleja e Përgjithshme mund të emërojë përfaqësues të posaçëm për punë të veçanta apo grup punësh dhe ti revokojë ata, mund të emërojë drejtorë, zv. drejtorë dhe agjentë, mund të ndërmarrë dhe përballimet me çështje gjyqësore në çdo shkallë gjyqësore duke emëruar avokatë, përfaqësues dhe ekspertë dhe duke i revokuar ata.

Administrator i parë i shoqërisë "HIPPOCRATES" sh.p.k do të jetë:


- 4 **Znj. Myzejen SHANAJ**, e datëlindjes 17.01.1961 lindur dhe banuese në Tiranë, në adresën Rruga Naim Frasheri, pallati 66/1 person madhor me zotësi të plotë për të vepruar, mbajtëse e Pasaportës me Nr. BE3481296 dhe nr. Personal G15117105N;

NENI 16.

Të drejtat dhe detyrimet e administratorit

Administratori ka të drejtë e detyrohen të:

1. kryej të gjitha veprimet e administrimit të veprimtarisë tregtare të shoqërisë, duke zbatuar politikatat tregtare, të vendosura nga asambleja e përgjithshme;
2. përfaqësojë shoqërinë tregtare;



3. kujdesen për mbajtjen e saktë e të rregullt të dokumenteve dhe të librave kontabël të shoqërisë;
4. përgatisë dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
5. krijoj një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
6. kryej regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
7. raportoj përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
8. kryej detyra të tjera të përcaktuara në ligj dhe në statut.
9. të thërrasë asamblenë e përgjithshme kur shoqëria brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara dhe kur sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim..

Asambleja e përgjithshme mund të shkarkojë administratorin në çdo kohë me shumicë të zakonshme. Statuti apo marrëveshje të tjera nuk mund të përjashtojnë apo kufizojnë këtë të drejtë. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

Administratorët do të kenë të drejtë të bëjnë drejtimin e zakonshëm dhe teknik apo administrativ por me firmë të përbashkët, në rastin e blerjeve ose të kredive apo për veprime të tjera administrative të cilat kanë një vlerë më të madhe se 5000,00 euro.

NENI 17


Asambleja e Përgjithshme

Organi themelor i shoqërisë është Asambleja e Përgjithshme. Asambleja e Përgjithshme merr vendime me $\frac{3}{4}$ të votave në rastet si:

1. ndryshimet e statutit;
2. zmadhimin dhe zvogëlimin e kapitalit;
3. riorganizimin dhe prishjen e shoqërisë;
4. shpërndarjen e fitimeve;
5. raste të tjera të parashikuara nga ligji dhe statuti.

Për raste të tjera ajo vendos me shumicën e votave të ortakëve pjesëmarrës si më poshtë:

1. emërimin e shkarkimin e administratorëve;
2. emërimin e shkarkimin i likuiduesve dhe të ekspertëve kontabël të autorizuar;
3. përcaktimin e shpërblimeve për administratorët, likuiduesit dhe ekspertët kontabël të autorizuar.



4. mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
5. miratimin e pasqyrave financiare vjetore dhe të raporteve të ecurisë së veprimtarisë;
6. pjesëtimin e kuotave dhe anulimin e tyre;
7. përfaqësimin e shoqërisë në gjykatë dhe në procedimet e tjera ndaj administratorëve;
8. miratimin e rregullave procedurale të mbledhjeve të asamblesë;
9. çështje të tjera të parashikuara nga ligji apo statuti.
10. përcaktimin e politikave tregtare të shoqërisë

Asambleja e Përgjithshme mblidhet sa herë që mbledhja është e nevojshme për të mbrojtur interesat e shoqërisë. Mbledhja e asamblesë së përgjithshme thirret të paktën një herë në vit. Asambleja e përgjithshme thirret nëse:

- 1 sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- 2 shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.
- 3 shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara
- 4 Asambleja e përgjithshme thirret nga administratorët apo ortakët të cilët përfaqësojnë të paktën 5% të totalit të votave në asamblenë e përgjithshme të shoqërisë.
- 5 Në rastet e parashikuara në pikën 1 dhe 3 më sipër, përpara asamblesë së përgjithshme paraqitet një raport i përgatitur nga një ekspert kontabël i autorizuar i pavarur.
- 6 Në rastet e parashikuara në pikën 1 dhe 3 më sipër, Asambleja e Përgjithshme mund të aprovojë një zgjidhje këshillimore duke aprovuar ose duke vëzhguar aktivitetin e administratorëve.

NENI 18.

Thirrja e Asamblesë së Përgjithshme

Asambleja e përgjithshme thirret nëpërmjet një njoGimi me shkresë ose, me njoGim nëpërmjet postës elektronike. NjoGimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.

Kur asambleja e përgjithshme nuk është thirrur si më sipër, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

NENI 19.

[Handwritten signatures and initials]

Kuorumi i nevojshëm dhe vendim-marrja

Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike. Nëse asambleja e përgjithshme nuk mund të mbledhet për shkak të mungesës së kuoromit të përmendur më sipër, asambleja mbledhet përsëri jo më vonë se 30 ditë, me të njëjtin rend dite. Asambleja e përgjithshme vendos me tri të katërtat e votave të ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Për çështjet e tjera, asambleja e përgjithshme vendos me shumicën e votave të ortakëve pjesëmarrës. Çdo kuotë jep të drejtën e një vote. Ortakët, që nuk janë të pranishëm, mundësinë e pjesëmarrjes në mbledhjen e asamblesë së përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve. Ortaku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdhërojë ndalimin e cenimit apo shpërblimin e dëmit të shkaktuar, si pasojë e cenimit të këtyre të drejtave.

NENI 20.

Procesverbali i mbledhjes se asamblesë

Të gjitha vendimet e asamblesë së përgjithshme duhet të regjistrohen në procesverbal. Administratorët përgjigjen për ruajtjen e kopjeve të procesverbaleve të mbledhjeve të asamblesë së përgjithshme.

Procesverbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

Procesverbalit i bashkëlidhet edhe lista e pjesëmarrësve, si edhe akti i thirrjes së asamblesë së përgjithshme.


Procesverbali i mbledhjes nënshkruhet nga kryetari dhe nga mbajtësi i procesverbalit.

NENI 21.

Hetimet e posaçme

Asambleja e përgjithshme mund të vendosë nisjen e një hetimi të posaçëm për parregullsitë përgjatë veprimeve të themelimit të shoqërisë apo të ushtrimit të veprimtarisë tregtare. Hetimi kryhet nga një ekspert i pavarur i fushës.

Ortakët që përfaqësojnë të paktën 5 për qind të totalit të votave në asamblenë e shoqërisë, apo një vlerë më të vogël të parashikuar në statut dhe/ose cildo kreditor i shoqërisë mund t'i kërkojnë asamblesë së përgjithshme emërimin e një eksperti të pavarur të fushës, kur ka dyshime të bazuara për shkelje të ligjit ose të statutit në të kundërt brenda 30 ditëve pas refuzimit nga asambleja për emërimin e ekspertit të pavarur, mund t'i kërkojnë gjykatës



emërimin e këtij eksperti. Nëse asambleja e përgjithshme nuk merr një vendim brenda 60 ditëve nga data e paraqitjes së kërkesës, kërkesa e ortakëve vlerësohet e refuzuar. E drejta për të kërkuar hetim të posaçëm, duhet të ushtrohet brenda 3 vjetëve nga data e regjistrimit të shoqërisë tregtare, kur hetimi ka si objekt parregullsitë e procesit të themelimit, si dhe brenda 3 vjetëve nga data e veprimit, që konsiderohet i parregullt, kur hetimi ka si objekt parregullsitë e ushtrimit të veprimtarisë tregtare.

NENI 22.

Përdorimi i të ardhurave neto.

E ardhura neto që rezultojnë mbasi zbriten shpenzimet e bëra për kryerjen e çdo lloj aktiviteti nga zbritja e vlerës së amortizimit, nga tatimet dhe taksat, nga kuotat që rritin kredinë për investime, pagat e shpërblimet, përdoret nga Ortakët, sipas qëllimeve të tyre.

NENI 23.

Bilanci dhe plani financiar.

Pasuria e Shoqërisë vlerësohet në bilancet e saj në monedhë të vendit ose në monedhë të huaj sipas vlerësimit të Ortakëve ose ekspertëve në momentin e Themelimit të Shoqërisë.

Bilanci vjetor paraqitet brenda datës 31 Mars të vitit pasardhës. Forma e bilancit përcaktohet nga Administratori në harmoni me format e bilanceve të vendosura në Republikën e Shqipërisë. Planin financiar parashikon aktivin e pasivin e aktivitetit ekonomik të Shoqërisë, të shprehur në lekë ose valutë të konvertueshme. Llogaria ekonomike do të mbahet në Shqipëri. Shkëmbimi i monedhës shqiptare me atë të huaj dhe anasjelltas bëhet sipas kursit zyrtar ose privat të këmbimit.

NENI 24

Shpërndarja e fitimeve

Ortakët kanë të drejtë të ndajnë pjesën e fitimit të deklaruar në pasqyrat financiare të shoqërisë. Fitimi u shpërndahet ortakëve në raport me kuotat e zotëruara.

NENI 25.

Kufizimi i shpërndarjeve të fitimeve

Shoqëria mund t'u shpërndajë fitime ortakëve, vetëm nëse pas pagimit të dividendit:

a) aktivet e shoqërisë mbulojnë tërësisht detyrimet e saj;

b) shoqëria ka aktive likuide të mjaftueshme për të shlyer detyrimet që bëhen të

kërkueshme brenda 12 muajve në vazhdim.

Administratorët lëshojnë një certifikatë të aGësisë paguese, e cila konfirmon shprehimisht se shpërndarja e propozuar e dividendëve përmbush kërkesat e mësipërme.

Kur gjendja e shoqërisë tregon se shpërndarja e propozuar e dividendëve nuk i përmbush këto kritere, administratorët nuk mund ta lëshojnë këtë certifikatë.

Administratorët përgjigjen ndaj shoqërisë për vërtetësinë e certifikatës së aGësisë paguese.

Administratorët, të cilët nga pakujdesia lëshojnë një certifikatë të pasaktë të aGësisë paguese, përgjigjen personalisht përpara shoqërisë për kthimin e dividendëve të shpërndarë. Ortakët, që kanë marrë nga shoqëria dividendë, përgjigjen personalisht ndaj shoqërisë për kthimin e dividendëve, që u janë shpërndarë kur nuk është lëshuar certifikata e aGësisë paguese, ose kur, pavarësisht lëshimit të certifikatës, këta ortakë kanë pasur dijeni për gjendjen e paaGësisë paguese të shoqërisë, ose në bazë të rrethanave të qarta nuk mund të mos kishin pasur dijeni për këtë gjendje.

NENI 26

Ekspertët Kontabël.

Shoqëria cakton ekspert kontabël për çdo vit financiar kur jemi përpara rasteve të përcaktuara në ligj.

Emërimin e tyre e bën Mbledhja e Asamblesë së Përgjithshme.

Ekspertët kontabël mbajnë përgjegjësi për mbajtjen e rregullt të të gjithë dokumentacionit të Shoqërisë. Ata përgjigjen për dëmet që i vijnë Shoqërisë nga mbajtja e parregullt e llogarive ose verifikimi i tyre i gabuar.

Nuk mund të ngarkohen me detyrën e ekspertit, themeluesi, administratori, personat që janë gjini e krushqi me ata deri në shkallën e katërt.

NENI 27

Marrëdhëniet e punës

Marrëdhëniet e punës në Shoqëri rregullohen sipas dispozitave të Aktit të Themelimit, Statutit dhe Legjislacionit Shqiptar në fuqi.

Punësimi në Shoqëri realizohet me anë të kontratës individuale të punës midis Shoqërisë e të punësuarve. Marrëdhëniet midis Shoqërisë e sindikatës rregullohen nëpërmjet kontratës kolektive të punës.

NENI 28


Të punësuarit dhe punonjësit drejtues administrativ janë përgjegjës për dëmet që i shkaktojnë Shoqërisë për faj të tyre dhe përgjigjen para saj civilisht.

PRISHJA E SHOQËRISË. LIKUJDIMI.

NENI 29

Kjo Shoqëri do të prishet në rast kur:

1. merr vendim Asambleja e Përgjithshme;
2. hapen procedurat e falimentimit;



3. nuk ka kryer veprimtari tregtare për dy vjet dhe nuk është njoGuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
4. merret një vendim gjykate;
5. për arsye të tjera, të parashikuara në statut;

Prishja e shoqërisë regjistrohet në Regjistrin Tregtar pranë Qendrës Kombëtare të Regjistrimit nga administratorët.

NENI 30

Likuidimi i shoqërisë

Prishja e shoqërive tregtare ka si pasojë hapjen e procedurave të likuidimit në gjendjen e aGësisë paguese, me përjashtim të rasteve kur është nisur një procedurë falimentimi. Likuidimi kryhet nga likuiduesit e emëruar nga asambleja e përgjithshme.

Nëse asambleja e përgjithshme nuk merr një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

Detyra e likuiduesve është mbyllja e të gjitha veprimeve të shoqërisë, mbledhja e kredive të pa arkëtuara dhe e kontributeve të pashlyera, shitja e pasurive të shoqërisë dhe shlyerja e kreditorëve duke respektuar radhën e referimit, sipas nenit 605 të Kodit Civil.

Likuiduesi mund të kryejë edhe veprime të reja tregtare, për mbylljen e një veprimi të papërfunduar.

Nëse, në bazë të padive të ngritura nga kreditorët, likuiduesit vërejnë se pasuria e shoqërisë tregtare, përfshirë kontributet e pashlyera, nuk është e mjaGueshme për pagesën e këtyre pretendimeve, likuiduesit detyrohen ta pezullojnë procedurën e likuidimit e t'i kërkojnë gjykatës përkatëse nisjen e procedurave të falimentimit.

NENI 32.

Bilancet e likuidimit

Likuiduesi përgatit një bilanc të gjendjes së shoqërisë në çastin e hapjes së likuidimit dhe një bilanc përfundimtar në çastin e mbylljes së këtyre procedurave. Nëse procedura e likuidimit zgjat më shumë se një vit, likuiduesi përgatit, gjithashtu, pasqyrat financiare vjetore të shoqërisë. Bilancet miratohen nga Asambleja e Përgjithshme.

NENI 33

Shpërndarja e aktiveve

Pas shlyerjes së detyrimeve ndaj kreditorëve, likuiduesi u shpërndan ortakëve apo aksionarëve aktivet e mbetura, sipas të drejtave që ata kanë në ndarjen e fitimeve, me përjashtim të rastit kur statuti parashikon radhë preference. Pasuritë, që i janë dhënë shoqërisë me qira apo në përdorim, me çfarëdo titulli u kthehen ortakëve apo aksionarëve. Pas shpërndarjes së aktiveve

Handwritten signatures in blue ink.

të mbetura, likuiduesi e njoGon Qendrën Kombëtare të Regjistrimit për përfundimin e likuidimit dhe kërkon çregjistrimin e shoqërisë.

NENI 34

Likuidimi i thjeshtëzuar

Shoqëria mund të likuidohet nëpërmjet një procedurë të përsheptuar, nëse kjo vendoset ngatë gjithë ortakët apo aksionarët dhe kur këta deklarojnë përpara gjykatës përkatëse se të gjitha detyrimet e shoqërisë ndaj kreditorëve janë shlyer e janë rregulluar të gjitha marrëdhëniet me punëmarrësit.

Administratorët, në përputhje me nenin 43 të ligjit nr.9723, datë 3.5.2007 "Për Qendrën Kombëtare të Regjistrimit", njoGojnë për regjistrim pranë Qendrës Kombëtare të Regjistrimit vendimin për likuidimin e shoqërisë, nëpërmjet procedurës së thjeshtëzuar. Administratorët janë përgjegjës për dëmin e shkaktuar nga shkelja e detyrave të tyre gjatë likuidimit të thjeshtëzuar. Përveç administratorëve, ortakët apo aksionarët e shoqërisë përgjigjen në mënyrë solidare deri në shumat e marra.

DISPOZITA TË FUNDIT.

NENI 35

Ky Akt Themelimi dhe Statut hyn në fuqi pas miratimit dhe regjistrimit të Shoqërisë në regjistrin tregtar pranë Qendrës Kombëtare të Regjistrimit.

NENI 36

Gjithçka nuk është parashikuar shprehimisht në këtë Akt Themelimi dhe Statut do të disiplinohet nga legjislacioni tregtar dhe ligje të tjera të lidhura me të në fuqi në Republikën e Shqipërisë.

NENI 37

Ky Statut përpilohet në 4 (katër) kopje në gjuhën shqipe dhe u nënshkrua pa vërejtje nga ortakët themelues.

ORTAKËT THEMELUES

Olijana IFTI

Olijana IFTI
[Signature]

Etleva KOLA

Etleva Kola
[Signature]

Myzejen SHANAJ

Myzejen Shanaaj
[Signature]